

## Հ Ա Շ Վ Ե Տ Վ ՈՒ Թ Յ ՈՒ Ն

### ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

#### 1. Անունը, ազգանունը, զբաղեցրած պաշտոնը.

Անի Մովսիսյան, ՀՀ ֆինանսների նախարարության եկամուտների քաղաքականության և վարչարարության մեթոդաբանության վարչության եկամուտների քաղաքականության և հարկային վարչարարության մեթոդաբանության բաժնի գլխավար մասնագետ.

#### 2. Գործուղման վայրը և ժամկետները.

Ք. Վիեննա (Ավստրիայի Հանրապետություն), 2023 թվականի հուլիսի 10-ից մինչև հուլիսի 21-ը:

#### 3. Հրավիրող կողմը.

Վիեննայի միացյալ ինստիտուտ.

#### 4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).

«Հարկաբյուջետային կայունություն» («Fiscal Sustainability») թեմայով դասընթացի նպատակն էր զարգացնել և խորացնել հարկաբյուջետային քաղաքականության մշակման հմտությունները, ծանոթանալ վերջինիս վերլուծության ներկայիս ժամանակակից մեթոդներին:

#### 5. Քննարկված թեմաները.

Դասընթացի ընթացքում, մասնավորապես, քննարկվել են հետևյալ թեմաները.

- 1) Հարկաբյուջետային կայունության առկա մարտահրավերները,
- 2) Պետական պարտքի դինամիկան և կապը մակրոտնտեսական շրջանակների հետ.
  - պետական պարտքի կանխատեսումները,
  - ֆինանսավորման բաղադրիչները,
  - ծանոթացում պետական պարտքի դինամիկայի վերլուծության գործիքի հետ (այսուհետ՝

ՊԴՎ),

3) Պետական պարտքի և ՀՆԱ-ի հարաբերակցության կանխատեսում.

- պետական պարտքի դինամիկայի հավասարումը և կանխատեսումները,
- պետական պարտքի և ՀՆԱ-ի հարաբերակցության փոփոխության հիմնական գործոն-

ները,

4) Պետական պարտքի նպատակային ցուցանիշին հասնելու նպատակով հարկաբյուջետային ճշգրտման ուղիները.

- հարկաբյուջետային կոնսոլիդացիա,
- պարտքը կայունացնող բյուջեի առաջնային/ընդհանուր մնացորդ,
- հարկաբյուջետային ճշգրտման ուղիների արդյունքների կիրառությունը ՊԴՎ-ում,

5) Պետական պարտքի դինամիկայի բազային սցենար և սթրես-թեստեր

- տարբեր այլընտրանքային սցենարներ և սթրես-թեստեր,
- հովհարային դիագրամներ,
- սթրես-թեստավորման արդյունքների ընկալումը ՊԴՎ-ում,

6) Երկարաժամկետ հարկաբյուջետային խնդիրներ

- բնակչության ծերացումը և հարկաբյուջետային հետևանքները,
- կենսաթոշակային համակարգեր և բարեփոխումներ,

7) Պարտքի կայունության ցուցանիշները և պարտքային ճգնաժամի ռիսկը.

- պարտքի կայունության սահմանումները և ցուցանիշները,
- պարտքի պոտենցիալը և սահմանային շեմեր,

8) Հարկաբյուջետային ռիսկեր և ճգնաժամեր, հարկաբյուջետային ճշգրտումներ

- հարկաբյուջետային ռիսկերը,
- պայմանական պարտավորությունների ինտեգրումը հարկաբյուջետային կայունության

շրջանակում.

- ճգնաժամերի միջև փոխկապակցվածություն (հարկաբյուջետային/ֆինանսական),
- ֆիսկալ արձագանքները ճգնաժամերին,

9) Կլիմայի փոփոխությունը և հարկաբյուջետային խոցելիության գործոնները.

- Կլիմայի փոփոխությունները և դրա հետևանքները տարածաշրջանի համար,
- Կլիմայի փոփոխության դեմ պայքարի միջոցառումներ, հետևանքների մեղմում և հար-

մարվողականություն,

- Կլիմայական ռիսկերի ինտեգրում հարկաբյուջետային շրջանակներում,

10) Ինչպես հաշվի առնել կլիմայական ռիսկերը և հարմարվողականության/մեղմացման միջոցառումները ՊԴՎ-ի համատեքստում.

- բնական աղետներ և ՊԴՎ,
  - մոդելավորման այլընտրանքային ուղիներ,
- 11) Պետական պարտքի դինամիկան և գնաճը
- հարկաբյուջետային և դրամավարկային քաղաքականության փոխազդեցությունները,
  - գնաճի ազդեցությունը պետական պարտքի դինամիկայի վրա՝ տեսություն և որոշ էմպիրիկ ապացույցներ,
  - Ինչպես մոդելավորել այդ ազդեցությունները ՊԴՎ-ում:

## **6. Հանդիպումները, ելույթները, բարձրացված կամ քննարկված հարցերը.**

Դասընթացի ժամանակ ելույթներն իրականացվել են գործնական աշխատանքների, քննարկումների, բանավեճերի տեսքով (պայմանական տնտեսությունների օրինակով), որոնց ընթացքում պարզաբանվել են հարկաբյուջետային և պետական պարտքի քաղաքականության առանձնահատկություններն ու խնդիրները:

Մասնակիցների կողմից ներկայացվել են նաև շնորհանդեսներ՝ կոնկրետ երկրների օրինակներով:

Ընդհանուր առմամբ, դասընթացը բավականին հետաքրքիր էր՝ հարուստ վերլուծություններով և դրանց վերաբերվող տեղեկատվությամբ: Դասընթացից ստացված գիտելիքները կօգտագործվեն ՀՀ ֆինանսների նախարարության կողմից իրականացվող հետագա աշխատանքներում:

Բոլոր դասախոսությունները իրականացվել են շնորհանդեսների միջոցով՝ մասնակիցների ակտիվ ներգրավմամբ: Կազմակերպվել են սեմինարներ, խմբակային աշխատանքներ և մասնակիցների կողմից կատարված աշխատանքների հիման վրա պատրաստվել ու ներկայացվել են շնորհանդեսներ:

## **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**


Դասընթացի ընթացքում որևէ որոշումների ընդունում կամ փաստաթղթի ստորագրում

նախատեսված չէր:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հայաստանի Հանրապետությունում իրականացվող հարկաբյուջետային, ինչպես նաև պետական պարքի գծով քաղաքականության մշակման և իրականացման առումով առաջարկում եմ լայնորեն օգտագործել միջազգայինորեն կիրառելի մակրոտնտեսական վերլուծության գործիքները (ՊԴՎ):

Ստորագրությունը, ամսաթիվը:



26.07.2023թ.